

佛心禪話



神光不昧。是吾家風。
壬申王漸寫。

發佛陀之慈心
集禪學之大成

計羅富白

壬申年
秋月
計羅富白書



出版序言

宗教弘法能治化人心，直接助益社會風氣日趨正道，安住人性、提昇人格、防非止惡，解決社會種種弊端，根治衆生病態！

本社謹此恭邀，高雄文殊講堂慧律法師精心編撰專書「佛心禪話」，期以「發佛陀之慈心集禪學之大成。」能使衆生即心成佛、頓悟「禪」道而成佛道，不染塵思，真如常性，則法益充滿無量功德！



前　　言

禪即是佛心，即心即佛，是心作佛。十方三世一切賢聖，皆因悟『禪』而成佛道。

『禪』用自眞如性，以智慧觀照，於一切法不取不捨即是見性成佛道。雖有見聞覺知，不染萬境，而真性常自在。心不住法道即通流，心若住法名爲自縛。

佛心禪話，直指人心，明心見性，集禪宗諸祖法語之大成。苟能如法觀照，善體無生，則解脫之道，指日可待！

慧律法師簡介

慧律法師，係雲林縣人，於民國四十二年出生於雲林縣四湖林厝村，俗名林益謙。

法師自幼天資聰穎勤奮向學，高中時代就讀台北建國中學，六十三年就讀逢甲大學，偶然機緣加入逢大佛學社團—普覺社，以此因緣，法師於寒暑假參加各學佛營、齋戒學會等，乃在六十四年，於水里蓮因寺，依饑雲老法師皈依，法號心謙。

大學畢業後，法師繼續深造於鳳山佛教蓮社淨土專宗研究所，研究淨土宗。六十八年，於鳳山佛教蓮社依煮雲老法師座下披剃出家，剃度法號慧律。

民國六十九年，法師於高雄龍泉寺求受三壇大戒，受三年後常住台中南普陀佛學院，民國七十二年元月至七十三年七月，法師任美濃雷音寺住持。民國七十八年高雄文殊講堂落成啓用。

自七十四年七月起，慧律法師首於高雄國軍英雄館開講「死亡的藝術」之後，旋風式地橫掃全國，其中尤以七十六年五月二十一日至二十四日，台北中華體育館的弘法大會最為壯觀，四天內吸引九萬人潮，打破了宗教界的弘法紀錄。

佛心禪話

慧律法師 編撰




頓漸兩門，是千聖軌轍也。則從上諸聖，莫不先悟後修，因修乃證。所言神通變化，依悟而修，漸熏所現，非謂悟時即發現也。如經云：理即頓悟，乘悟併消，事非頓除，因次第盡。



彈指聲中已悟了
真宗皇帝

學道而不知先後，
說理而不分本末者，是名邪見。
不名修學。非唯自誤，
兼亦誤他，其可不慎歟。



研磨能

入道多門，以要言之，
不出頓悟漸修兩門耳。

雖曰：頓悟頓修，是最上根機得入也；
若推過去，已是多生，依悟而修，
漸熏而來，至於今生，聞即發悟，
一時頓畢。以實而論，
是亦先悟後修之機也。

月自在清光
辛未三月
畫



傳聞

系法歸一歸二何處

註

蘇州云在義高州作一謂
布衫重七斤

註



●深明先悟後修之義曰：

識冰池而全水，借陽氣以消鎔；
悟凡夫而即佛。

資法力以熏修。冰消則水流潤，
方呈漑滌之功；妄盡則心虛空，
應現通光之用。是如事上神通變化，
非一日之能成，乃漸熏而發現也。

頓悟者：凡夫迷時，四大爲身，妄想爲心，不知自性，是真法身，不知自己，虛知是真佛也。心外覓佛，波波浪走，忽被善知識，指爾入路，一念廻光，見自本性。而此性地，元無煩惱，無漏智性，本是具足，即與諸佛，分毫不殊，故云頓悟也。



修道之人，切莫外求，心性無染，
本自圓成，但離妄緣，即如如佛。

得大自在也
庚午臘月
王澑



漸修者，頓悟本性，與佛無殊，
無始習氣，難卒頓除。
故依悟而修，漸熏功成，
長養聖胎，久久成聖，故云漸修也。



辛未年四月 王灝寫於竹林居

頓悟作何方便？一念迴機，便悟自性。
只汝自心，更作什麼方便？即是自心，
何更求會。若欲求會，便會不得，
放下求會，是即見性。



上上之人，聞則易會；中下之人，不無疑惑，更說方便，令迷者趣入。汝除卻將迷待悟之心，諸法如夢，亦如幻化，故妄念本寂，塵境本空，諸法皆空之處，虛知不昧。即此空寂虛知之心，是汝本來面目，亦是三世諸佛、歷代祖師、天下善知識，密密相傳底法印也。

若悟此心，則不踐階梯，徑登佛地矣。

是知能見聞動作，

必是汝本心，不是汝色身也。

故云神通并妙用，運水及搬柴。

且入理多端，返聞聞自性，

一切聲，一切分別，俱不可得。

既不可得，莫是虛空麼？

曰：元來不空，明明不昧。

曰：如何是不空之體？

曰：亦無相貌，言不可及，

此是諸佛諸祖慧命。



諸法皆空之處，虛知不昧，不同無情，性自神解，此是汝空寂虛知，清淨心體，而此清淨空寂之心，是三世諸佛勝淨明心，亦是衆生本源覺性。悟此而守之者，坐一如而不動解脫；迷此而背之者，往六趣而長劫輪迴。

雖迷悟之有，殊其本源則一也。


所以云：寂寂之心，在聖不增，在凡不減；即不增於聖，不減於凡。

•如云頓悟雖同佛，多生習氣深，
風停波尚湧，理現念猶侵。往往利根之輩，
不費多力，打發此事，便生容易之心，
更不修治，日久月深，
依前流浪，未免輪迴。

則豈可以一期所悟，便撥置後修耶？
故悟後長須照察，妄念忽起，都不隨之。
損之又損，以至於無，方始究竟也。



定是體，慧是用。即體之用，故慧不離定；即用之體，故定不離慧。定則慧，故寂而常知；慧則定，故知而常寂。



一味一禪茶

理雖頓悟，事要漸修。

雖有後修，已先頓悟，妄念本空，
心性本淨。於惡斷而無斷見，
於善修而無修心，比乃真修真斷矣。



●聲聞心心斷惑，能斷之心是賊。

但諦觀殺盜淫妄，從習性起，
起即無起，當處便寂，何須更斷。
所以云：不怕念起，唯恐覺遲，

又云念起即覺，覺之即無。

故悟人分上，雖有客塵煩惱，
但照惑無本。空華三界，

如風卷煙，幻化六塵，如湯消雪，

若能如是，念念修習，
不妄照顧，定慧等持，

則愛惡自然淡薄，悲智自然增明。
煩惱盡時，生死即絕，若微細流注永斷，
圓覺大智朗然獨存。

自悟修行，不在於靜，若靜先後，
即是迷人。則達人分上，定慧等持之義，
不落功用元自無爲，
更無特地時節：見色聞聲時如是，
著衣喫飯時如是，對人接話時如是，
乃至行住坐臥，一切時中，一一如是。



佛

心

程

詩

心地無亂自性定，心地無癡自性慧。
若悟如是，任運寂知，遮炤無二，
則是爲頓門雙修定慧也。

無非無喜


立本王濤



• 有求皆苦，忘心即樂。

甘回常後告山

辛未季初吉王作



窮釋子口稱貧，實是身貧道不貧，
貧則身常披縷褐，道則心藏無價珍。
從他謗，任他非，把火燒天徒自疲，
我聞恰似飲甘露，銷融頓入不思議。

觀惡言，是功德，此則成吾善知識，
不因訕謗起怨親，何表無生慈忍力。

不求真，不斷妄，了知二法空無相，
無相無空無不空，即是如來真寶相。

大丈夫，秉慧劍，般若鋒兮金剛燄，
非但空摧外道心，早曾落卻天魔膽。

心是根，法是塵，兩種猶如鏡上痕，
痕垢盡除光始現，心法雙亡性即真。

- 相逢不拈出，舉意便知有，仔細點檢，已是涉水拖泥。
- 無事虛心靜慮，且下鈍工夫，只管舉看，久之當自有入處。




諸惡莫作，衆善奉行，
三歲孩兒雖道得，八十老翁行不得。

一切平心，心亦了不可得，
泯然自盡，則本性圓明混成，不假造作。



心隨萬境轉，轉處實能幽，
隨流認得性，無喜亦無憂。

以心傳心，以性印信，
如水入水，似金博金，
樂易平常，無爲無事。




• 直指人心，教外別行，故不忝爾。



• 八角磨盤空裏走，金毛師子喚作狗，
擬欲翻身北斗藏，應須合掌南辰後。

● 樸實頭腳跟著地，修行淨意大便宜。

● 大法本平常，在利根精敏寬通，
不作聰明了之，爲易入。



• 真到融豁處，則內不見有身心，
外不見有世界，始得箇入頭。



• 做工夫，著不得一絲毫別念。
非但世間法，除究心之外，
佛法中一切好事悉名別念，於法體上，
取之、捨之、執之、化之，悉別念矣。

• 不得站在路上。不行，終無到家日子。

• 眼如盲，耳如聾，心念才起時，
如撞著銀山鐵壁相似，
如此則工夫始得相應耳。

• 做工夫，不可避喧向寂、暝目合眼，
坐在鬼窟裏作活計。



未去在虛
一章三觀圖

• 只須在境緣上做得去，始是得力處。

• 做工夫，正要心行處滅，

切不可將心湊泊，思惟問答機緣等。

• 體妙失宗，機昧終始，便不堪共語也。



• 無門解脫之門，
無意道人之意。○



- 疑情發得起放不下，便是上路。
- 縱能解得，終是解非悟耶。
- 是法非思量分別之所能到。

- 以思惟心測度如來圓覺境界，
如將螢火熱須彌山，終不能得。
- 擬將心意學玄宗，大似西行却向東。



• 不可向經書上引証牽動識情，
識情一動則妄念紛馳，

欲得言語道斷，心行處滅，安可得乎。

• 工夫或得輕安，或有省發，不可便爲悟也。




空拶空兮功莫大，有追有也德猶微，
謗他迦葉安生理，得便宜處失便宜。

若不開器親見一回，
則終其身而不可辨也。

但恁麼做去，時節到來
自有個倒斷。



一切莫信道不須參，
古聖孜孜爲指南。



• 塵勞迥脫事非常，緊把繩頭做一場，
不是一翻寒徹骨，爭得梅花撲鼻香。



• 做工夫，最要緊是個切字。
當知切之一字，不愁不到古人田地。

● 做工夫，疑情不破，如臨深淵，
如履薄冰，毫釐失念，則喪身失命。



• 提起話頭，不明決定要明，
不破決定要破。

譬如捉賊，須是見贓始得。



• 將心待悟終不悟。

• 夢不待覺，睡熟時自覺；
華不待開，時節到自開；
悟不待悟，因緣會合時自悟。



• 因緣會合時，貴在話頭真切；逼拶令悟，
非待悟耶。

• 悟時如披雲見天而廓落無依，
天旋地轉，又是一番境界。



毫釐有差，則入邪徑。

一時不在，如同死人。

只是憤然要明此理，
縱入境交錯於前，亦不暇顧。



光景易過，時不待人；
大事未明，何日是了。



見有能說法者，
有所聽法衆，
尚未入乎信門。



•自心即佛名正信，心外取法名邪信。



●動境中求起處不可得，

靜境中亦求起處不可得；

動靜既無起處，將何爲境耶。會得此意，
總是一箇定體充塞彌瓦，無餘蘊也。



• 做工夫，不得沾著世法，
佛法尚沾著不得，何況世法耶。



本真即佛 玄中子譜

•若真正話頭現前，履冰不見寒，
踏火不見熱，荆棘林中橫身直過，
不見有掛礙，始可在世法中橫行直撞，
不然盡被境緣轉將去。




● 做工夫人，不可尋文逐句記言記語，
不但無益，與工夫作障礙。



• 將心湊泊與道轉遠。○



執成病，著成魔，
生心動念即乖法體。



● 父母未生前道一句來勘之！



死後生前體若何，電光石火耳聾多，
要知無夢無思主，磕破酣眼野鵝過。



• 風停波尚涌，理悟念猶侵。
•



佛

心

福

言

052

• 從文字得力者弱，從事上得力者強，
從緣薦取相應疾，就體消停得力遲。

亦
良
師

如果你對垃圾揚手

絕對的信心

垃圾

猜也是你的良師

己未年夏月
慧律法師題

國
圓



● 做工夫，貴在起疑情。
● 大疑大悟，小疑小悟，不疑不悟。



佛

心

禪

語


054

• 做工夫，最怕耽著靜境，使人困於枯寂。



王陽明
且生且死
聚散隨緣
事來事去

● 做工夫，要中正勁挺，不近人情，
苟循情應對，則工夫做不上。



佛

心

禪


話

056

• 做工夫，不怕死不得活，只怕活不得死。



•動境不待遣而自遣
妄心不待淨而自淨
六根門頭自然虛豁



● 非有亦非無，非因非緣非自他，
非方非圓非長短，非出非沒非生滅。



● 非造非起非爲作，非坐非臥非行住，
非動非轉非閑靜，非進非退非安危。

身在自身




● 非是非非非得失，非彼非此非去來，
非青非黃非赤白，非紅非紫種種色。

一切諸法，自本來今，
性相空寂，無大無小，
無生無滅，非住非動，
不進不退，猶如虛空，無有一法。



• 踵觀一切諸法，念念不住，新新生滅。

• 實相無相生一法，從一法生無量義，
無量義故說法無量，
故能隨衆生諸根性欲而入。




• 兩腳長伸眠一覺，
醒來天地還依舊。

• 須持禪定相應心地戒。




●不被境轉即是眞空，不被欲染即是眞戒，
不爲境所轉、所染，即是眞慧也。

●持戒一法，乃超凡入聖，
了生脫死之第一要道也。



佛・心・禪・話

讀／後／心／感



讀／後／心／感

佛・心・禪・話

讀／後／心／感

讀／後／心／感

佛

心

福

詩

• 一念普觀無量劫，無量劫事即如今，
如今覩破這一念，覩破如今覩的人。



•返聞聞自性，性成無上道，
此是微塵佛，一路涅槃門。•



佛

心

禪

話

070

虛妄之法，體性皆空，
如夢枷鎖，寤則已離。



賓主相去幾何，長江水上波，
賓主相見何言說，清風拂日月。



• 向事背理，自昧本眞，
理能成事，不墮偏空。



●事不離理，任運全真，
背事向理，獨標本真。



• 妙德尊寰宇，高明朗太虛。



• 灵机弘圣道，真智利群生。

瀨王
之書



佛
心
禪
活

妙容雖不動，光燭本無偏。




• 不墮諸異趣，凝情望聖容。○



• 混然無內外，和融上下平。○

手把青秧插滿田
低頭便是水中天
心地清淨方為道
足步原生是向前



• 一制夫心成鐵漢，三緘其口學金人。



佛

心

福

詩

080

慧風掃蕩障雲蓋，
心月孤圓朗中天。○



高高峰頂上，四顧極無邊。
獨坐無人知，孤月照寒泉。
泉中且無月，月自在青天。
吟此一曲歌，歌中不是禪。



• 閑自訪高僧，烟山萬萬層，
師親指歸路，月掛一輪燈。

• 浮世吾身外，勞生逆途中，
誰能一隻眼，豁盡十方空。



• 獨坐長松下，悠然太古心，
高山流水意，誰復是知音。○

月譜中無譜無譜中音譜

錄自廬山及仙蹟




• 青山常不改，流水去還來，
獨有松間月，清光照綠苔。○

• 一枕黃梁夢，千秋汗血功。
祇知常不朽，誰信轉頭空。



● 雲老蒼松古，僧閒水石清，
坐來忘百慮，眼見一身輕。

素面相見
李孝玉題



佛

心

禪

話

• 一片寒心雪夜，數聲破夢霜鐘，
爐內香銷宿火，窗前月上孤峰。


• 心淡化道遙自在

道遙自在


辛未月
至潤



• 雲散長空雨過，雪消寒谷春生，
但覺身如水洗，不知心似水清。



• 靜夜鐘聲不住，石牀夢想俱空，
開眼不知何處，但聽滿耳松風。



• 可惜青山常在，堪嗟白髮時新，
盡是塵中逆旅，誰爲物外閒人。



佛 · 心 · 禪 · 話

090

• 莫行心處路，不挂本來衣，
何須正恁麼，切忌未生時。



空水連天一葉舟，即看身世等浮漚，
雁聲叫破緣生夢，明月蘆花古渡頭。





• 寒雨瀟瀟風滿林，蓮花漏水夜沉沉，
誰知舉世難醒夢，盡是光明般若心。

•夜深獨坐事枯禪，撥盡寒灰水不然，
勿聽樓頭鐘磬發，一聲清韻滿霜天。



佛

心

禪

話

學者先須識自宗，莫將眞際雜頑空，
妙明體盡知傷觸，力在逢緣不借中。
出語直敎燒不著，潛行須與古人同。
無身有事超岐路，無事無身落始終。



以飯盡堪充一飽

辛未年夏玉濤寫

印

枯木龍吟真見道，髑髏無識眼初明，
喜識盡時消息盡，當人那辨濁中清。



摧殘枯木倚寒林
幾度逢春不變心
樵客見之猶不顧
郢人何得苦追尋
一池荷葉衣無盡
數樹松花食有餘
剛被世人知住處
又移茅舍入深居



• 覺性圓明無相身，莫將知見妄疎親，
念異便於玄體昧，心差不與道爲隣。
情分萬法沈前境，識鑒多端喪本眞，
如是句中全曉會，了然無事昔時人。



• 真心與妄心對境時，如何辨別真妄耶？
曰：妄心對境，有知而知，於順違境，
起貪瞋之心，又於中容境，
起癡心也。即於境上，
起貪瞋癡三毒，足見是妄心也。



●祖師云：逆順相爭，是爲心病，

故知對於可不可者，是妄心也，
若真心者，無知而知。


平懷圓照，故異於草木；
不生憎愛，故異於妄心，
即對境虛明，不憎不愛，
無知而知者真心。



聖人處有不有，居無不無，
雖不取於有無，然不捨於有無，
所以和光塵勞，周旋五趣。
寂然恬淡，無爲而無不爲，接化衆生，
雖往來而無往來相。



• 妄心在有著有，在無著無，
常在一邊，不知中道。



● 真心乃平常心也。人人具有一點靈明，湛然虛空徧一切處。對俗事假名理性，對妄識權號真心，無絲毫分別，遇緣不昧，無一念取捨，觸物皆周。不逐萬境遷移，設使隨流得妙，不離當處湛然，覓即知君不見，乃真心也。



•

妄心即不平常心耶。

曰：境有聖與凡，境有染與淨，
境有理與事，境有生與滅，
境有動與靜，境有去與來，
境有好與醜，境有善與惡，
境有因與果，細論則千差萬別。



• 真心平常，無諸異因，

奈何佛說因果善惡報應乎？

曰：妄心逐種種境，不了種種境，
遂起種種心；佛說種種因果法，
治伏種種妄心，須立因果也。

若此真心，不逐種種境，由是不起種種心，
佛即不說種種法，何有因果也。

或曰：真心平常不生耶？

曰：真心有時施用，非逐境生，
但妙用遊戲，不昧因果耶。



未達真心人，由迷真心，故作善惡因。
由作善因，故生善道中，由作惡因，
故入惡道中，逐業受生，其理不疑。
若達真心，妄情歇盡，契證真心。



今達真心，契無生滅之覺性，
 起無生滅之妙用，妙體真常，
 本無生滅，妙用隨緣，似有生滅，
 然從體生用，用即是體，
 何生滅之可有。達人即證真體，
 其生滅何干涉耶？如水以濕性爲體，
 波浪爲用，濕性原無生滅，
 故波中濕性，何生滅耶？
 然波離濕性別無，故波亦無生滅。




甘露

● 佛法多門，修心第一，
佛稱大覺，覺即是心，

故知離此心外，無佛可成。

嗟夫世之人迷來久矣，不識自心是佛，
不識自性是法。

若言心外有佛，性外有法，堅執此情
欲求佛道者，縱經塵劫，修種種苦行，
如蒸沙作飯，只益自勞。爾但識自心，
恒沙法門，無量妙義，不求而得。




讀／後／心／感

佛・心・禪・語

佛 · 心 · 謂 · 活

讀／後／心／感



佛

心

禪

話

讀／後／心／感

弟・之・讀・單・舌

讀／後／心／感

• 古人云：盡大地是悟理人安身立命處，
即達真心。四生六道，
一時消殞，山河大地悉是真心。



辛未年
四月王潤

一切衆生無不具有靈明覺性，與佛無殊。

若能悟此性，即是法身，

本自無生，何有依託。靈明不昧，
了了常知，無所從來，亦無所去。

但以空寂爲自體，勿認色身，

以靈知爲自心，勿認妄念。

妄念若起都不隨之，則臨命終時，
自然業不能繫，雖有中陰，
所向自由，天上人間，隨意寄託，
此即前真心，身後所往者也。



一切衆生，心本無二，著妄迷眞，
幻成六道，依業受報，輪迴流轉，
沈溺五欲，墮落三途，受苦無量。
欲免輪廻，莫若學佛。



三諦一境，法身之理常清，
三智一心，般若之明常照；
境智冥合，解脱之應隨機。

一味真

可生



- 觀體只知一念，即空不空，非空非不空。
- 心與空相應，則譏毀讚譽，何憂何喜？



• 身與空相應，則刀割香塗，何苦何樂？



佛

心

福

詩

118


• 依報與空相應，則施與劫奪，何得何失？



辛未清明
丁巳夏
丁巳夏
丁巳夏

● 心與空不空相應，則愛見都忘，慈悲普救。





•身與空不空相應，則內同枯木，外現威儀。

• 依報與空不空相應，
則永絕貪求，資財給濟。



廓界於聖

庚午年
畫

佛・心・禪・話

122

• 心與空不空、非空非不空相應，
則實相初明，開佛知見。



身與空不空、非空非不空相應，
則一塵入正受，諸塵三昧起。



佛

心

禪

話

• 依報與空不空、非空非不空相應，
則香台寶閣，嚴土化生。



蓮華藏世圖
辛未年夏月
畫於北京



● 渡海應上船，非船何以能渡？
修心必須入觀，非觀何以明心？
心尚未明，相應何日？



佛心禪語

126

• 登山之道不同，但同見高嶺明月。



• 三間茅屋無人至，十里松門獨自遊。



佛

心

禪

話

• 鳥之啼聲更顯山之幽靜。


能磨王六
清



• 清風拂明月，明月拂清風。
○



• 坐禪於四道五道橋上，
視往來之人爲深山木。



• 疏影橫斜水清淺，暗香浮動月黃昏。



松柏千年青，不入時人意，
牡丹一日紅，滿城公子醉。



•山家富貴銀千樹，漁夫風流玉一蓑。



佛
心
福
壽

134

•漁夫生涯竹一竿，山僧活計二畝茶。



• 八識田中一刀下，百尺竿頭進一步。



佛

心

福

言

136

頓門亦有機勝者，亦有機劣者。
若煩惱淡薄，身心輕安，於善離善，
於惡離惡，依自性定慧，
任運雙修，天真無作，
動靜常禪，成就自然之理，
何假隨相門對治之義，無病不須藥也。




●若先頓悟，煩惱濃厚，習氣堅重，
對境而念念生情，遇緣而心心作對，
被他昏亂，昧卻寂知者，即借隨相門定慧，
不忘對治，均調昏亂，以入無爲。




一念淨心是道場，勝造恒沙七寶塔。
寶塔畢竟碎爲塵，一念淨心成正覺。
願諸修道人，研味此語，切須在意。
此心不向今生了，更待何生了此心。




● 流水轉山，遇曲遇直，
而心心無知，任運騰騰，
隨順衆緣，無障無碍。於善於惡
不斷不修，質直無僞，視聽尋常，
則絕一塵而作對，何勞遣蕩之功。
無一念而生情，不假忘緣之力。
若障濃習重，觀劣心浮，
無明之力大，般若之力小，
於善惡境界，未免被動靜互換，
心不恬淡者，不無忘緣遺蕩功夫矣。



六根攝境，心不隨緣，
謂之定；心境俱空，
照鑑無惑，謂之慧。



● 有智慧時，則無煩惱。



●若掉舉熾盛，則先以定門稱攝散，
心不隨緣，契乎本寂。

若昏沈尤多，則次以慧門擇法觀空，
照鑑無惑，契乎本知。

以定治乎亂想，以慧治乎無記，
動靜相亡，對治功終，

則對境而念念歸宗，遇緣而心心契道，
任運雙修，方爲定慧等持者也。



•一心不動，諸法無性，
以無性故，悉皆成佛。○



辛未夏
國楨

• 菩提無相無非相，無一無種種故。



● 舉體隨緣，成諸萬法，性即體也。



佛・心・禪・話

- 諸法唯心所現，各無自體，虛假相依，無決定性。



•但自觀心見佛，了諸法空，
則不動念而親覩毫光。



• 緣亦無自性，則一切不成，念念散壞。



• 以一心無性成佛。



●若能了達一切平等，即知凡聖諸法。



● 莫說他人短與長，說來說去自招殃；
若能閉口深藏舌，便是修身第一方。




●萬人同志念彌陀，衆力相成願力多，
一朶蓮開親見佛，方知淨土勝娑婆。
樹林水鳥各宣揚，寶網金臺盡道場，
會得鐘鳴並鼓響，彌陀觸處現毫光。




●道在何曾有間然，休分城市與林泉，
重來問法棲禪處，依舊清風滿目前。



•因這臭皮囊，波波劫劫忙，
只知貪快樂，不肯暫迴光。
白業錙銖少，黃泉歲月長，
直須痛棒打，此恨卒難忘。



• 憂道不憂心，爲法不爲名。



•自心念佛，念佛念心
心佛無二，念念不住
能念不立，所念性空
性空寂滅，能所兩忘
是名即心，成自性佛
一念遺失，便墮魔業
○○，，，



•人間五欲事無涯，利鎖名羈割不開。
若把利名心念佛，何須辛苦待當來。




讀／後／心／感


讀／後／心／感

佛
心
禪
話

讀／後／心／感




讀／後／心／感



•當爾之時，巨浪微波，咸成止水，濃雲薄霧，盡作澄空；唯是一心，更無餘法。



●由集能生苦，因苦復生集，
八聖道能超，至妙涅槃處。



●不非禪律與經師，念念西方與麼持。
脫盡法中憎愛境，自然運出淨心池。



諸法空故我心空，我心空故諸法同，
諸法我心無別體，祇在而今一念中。



●萬德圓融具足身，此身我體本同倫，
何因異此生迷執，別認虛空一聚塵。



●心神向寂，無色無形，
睹之不見，聽之無聲，
似暗非暗，如明不明，
捨之不滅，取之無生。



佛

心

福

言

168

•如來真如，無來無去。

•有心外法，輪迴生死，
覺知一心，生死永棄。



• 一切皆無常，生者皆有苦，
諸法空無生，實非我我所。



• 覧者命在杖，失杖者顛；
渡者命在舟，失舟則溺。凡林下人，
自無所守，挾外勢以爲重者，
一旦失其所挾，皆不能免顛溺之患。



夫爲一方主者，欲行所得之道而利於人，
先須克己惠物，下心於一切，
然後視金帛如糞土，則四衆尊而歸之矣。



• 溪聲盡是廣長舌，山色豈非清淨身？
夜來八萬四千偈，他日如何舉示人？



• 皎月流輝千嶂冷，泥牛徐步出雲烟；
玄徒若問西來意，直指胞胎未出前。

• 一入空門心暢哉，浮雲名利也忘懷，
無心對鏡誰能識，優鉢羅花火裏開。○



稽首天中天，毫光照大千，
八風吹不動，端坐紫金蓮。



• 大地山河一片雪，太陽一出便無踪；
自此不疑諸佛祖，更無南北與西東。




譬如明眼人，能避險惡道，
世有聰明人，能遠離諸惡。

●信力：不爲諸疑所動，
能破迷惑煩惱故。





- 進力：忘諸懈怠，成辦出世道業故。
- 念力：破諸邪念，成就出世正念故。
- 定力：斷諸雜想，能發事理諸禪故。
- 慧力：破邪外等見，斷偏小諸執故。



- 正見：七覺均調，得真覺慧，諦理分明。
- 正語：見理即正，口不妄言。

- 正思惟：理與無漏智相應故，意不邪思。
- 正業：住無漏智，自身行業清淨。
- 正命：住無漏智，通除三業中邪命。



●正精進：住無漏智，
正行精進，
勤趣涅槃。

●正念：住無漏智，
念正助道法，
心無動失。

●正定：無漏智定相應
正住於理，決定不移。
○，




●定慧即調，舉心動念，無非正道。
從正道中安穩而行，疾至佛地。

●菩提翻覺道，以此道覺其定慧均等故也。



•修諸道時，能向正行精進，
不取無益苦行故。

•觀諸法時，能擇定中真實之工，
不取虛妄之法故。



- 即知定中之境虛假，捨而不生追憶故。
- 工熟發諸禪定時，能覺諸定虛假，不生追憶故。
- 信等堅固如木得根，境擾不亂，如根得力。



- 慧如意足，照真離妄，心不散亂。
- 鼻息往來，爲身命根，一息不來，便同灰土。
- 得清淨智，永無煩惱。
- 自他平等，俱得無生。



• 覺了自性本空，毫無煩惱生死。

• 覺了他性本空，自他聖凡平等。

• 自他惑盡，生死亦盡；
覺非有無，寂照雙融。

• 覺知自心，本不生滅；
覺一切法，無不如是。

祖禪



- 凡夫著有，心逐境有，常迷不覺。
- 一念不生，萬緣空寂。
- 一心空寂，如鏡常明。
- 悟平等之原，一真之性——如來。
- 衆生長劫在夢，
佛斷無明，如從夢覺。



• 從善知識或修多羅，聞三寶名，
知佛性義，明瞭自心全體即是。



• 動靜理全是，行藏事盡非，
冥冥隨物去，杳杳不如歸。

方聽無生曲，始聞不死歌。
今知當體是，翻恨自蹉跎。
念念照常理，心心息幻塵。
徧觀諸法性，無假亦無真。



●如夢初醒，知夢本空，
謂之始覺。始覺觀照本覺，
息諸幻妄，名觀行即佛。



● 西來祖意庭前柏，鼻孔寥寥對眼睛；
落地枯枝才跨跳，松蘿亮隔笑掀騰。

●從來無名，喚作庭柏；

白日見鬼，受趙州惑。

淵源有自，知恩報德。



日照孤峰翠，月臨溪水寒；
祖師玄妙訣，莫向寸心安。

涅槃生死兩般名，正眼觀來一性靈；
五蘊山頭雪散後，大千沙界月長明。

從來真妄是妄，今日妄爲真，
但復本時性，更無一法新。



只是舊時行履處，等閑舉著便殼訛；
夜來一陣狂風起，吹落桃華知幾多。

●一法元無萬法空，箇中那許悟圓通？
將謂少林消息斷，桃花依舊笑春風。


得失是非都放卻，經行坐臥無相拘，
有時把柄由塵拂，，，有時持串烏木珠，，，
有時歡喜身舞踏，，，有時默坐觜蘆都，
懶舉西來祖師意，，，說甚東魯有詩書，，，
歸來洗足上床睡，，，困重不知山月移，
隔林幽鳥忽喚醒，，，一團紅日縣松枝，
○○○

• 盡十方世界，是個大光明藏，
從古至今，無一法可增；
盡十方虛空，是個大解脫門，
從古至今，無一法可減。



• 盡大地是學人一卷經，
盡乾坤是學人一隻眼；

以這個眼讀如是經，千萬億劫，
常無間斷，諸人還看得讀得麼？
如看讀得，老僧請他喫個無米油糍。




• 本無生滅，焉有去來？

冰河發燄，鐵樹華開。


• 病中絕緣，正好做工夫，
汝臭皮袋，皆可委之於我，
但和病推去，決不相賺。

王云看畫閒意圖
郭陽補物靜工夫
有人問我西畫臺
畫把家私談向渠
佛心律師錄慧律法師

水便柴乾，實悟真參；
曠劫生死，豈是等閒？
婆心片片，痛切心肝；
三界火宅，靈地自安。



●兩岸桃花紅正英，夾隄楊柳綠綠輕；
遙看白鷺窺魚處，沖破平湖一點青。
五月西湖涼似秋，芰荷初動暗香浮；
明年花落人何在，把酒問花花點頭。




- 寂滅清淨爲因，菩提涅槃爲果。
- 心內觀心覓本心，心心寂滅見真心；
真心明徹通三界，外道邪魔不敢侵。
- 不見一法即如來，是則名爲觀自在。



• 吾心似秋月，碧潭清皎潔；
無物堪比倫，教我如何說。

• 我心如燈籠，點火內外紅；
有物可比擬，明朝日出東。




• 一念不生全體現，六根才動被雲遮。

• 揚子江頭浪最深，行人到此盡沈吟；
他時若到無波處，還似有波時用心。



夫緣起無生者，謂心不自生，
生必由塵，塵不自顯，顯必由心，唯不自生，心無性也，
唯不自顯。塵無性也，心塵無性，則無生現前，
無性心塵，則緣生不廢，心塵即爾，萬法皆然也。



• 佛與衆生豈兩箇耶？


佛不過無死生無憎愛人耳，
衆生則有生死有憎愛也。

思而修之，以智慧觀，
返照五蘊內外一空，
身心世界洞然無物，
忽然超越世出世間，
永離諸苦，得大自在。
由是觀之，菩薩即能以此得度，
足知人人皆可依之而修矣。



● 圓鏡朗如日，湧出無礙智
● 梵語波羅蜜，唐言無量義
說者說無相，離者離文字
但說無上道，利他還自利
若能入理行，不動到如地
緣事常區區，不如展脚睡
○ ○ ○ ○ ○ ○ ○ ○

● 如來一真智，徧滿娑婆界
殷勤說方便，有人自不解
無處不生心，有處多貪愛
心王作黑業，教他口懺悔
口懺心不改，心口相違背
不服無心藥，病根總不差
著相求菩提，不免還他債
○ ○ ○ ○ ○ ○ ○ ○



• 達人知是幻，縱損心亦如，諸天不免難，
况復此閻浮。須尋無上理，莫更苦踟蹰。
衣食纔方足，不用積盈餘，少欲有涅槃。
知足非凡夫，當來無地獄，現在出三塗。



●外若絕攀緣，歡喜常現前，本來何所得，
吉祥自現形，空生成長老，燃燈常照明。
彌勒是同學，釋迦是長兄，神通次第坐，
無勞問姓名，名相有差別，法身同一形。



•大乘一等義，本自無遮閉。
凡夫著相求，心生有執滯。
無心爲真宗，空寂爲本體。
無問亦無說，常照勿使廢。
佛子行道已，更莫愁來去。○○



無念清涼寺，蘊空真五臺。
對境心無垢，當情心死灰。
妙理於中現，優曇空裏開。
無求真法眼，離相見如來。
若能如是學，不動出三災。



佛

心

福

言

身現凡夫事，內照自分明。
三千大千界，滿中諸衆生。
剎那造有業，了了總知情。
納安芥子裏，稱爲無相經。
常持人不識，念時無色聲。



學佛作夢事，不須論地獄。
天堂總越却，六識爲僮僕。
心心無所住，處處塵不著。
五道絕人行，無心是極樂。
空裏見優曇，衆生作橋筏。



佛

心

福

壽

210

欲得速成佛，祇學無生忍。
非常省心力，當時煩惱盡。
七寶藏門開，智慧無窮盡。
廣演波羅密，無心可鄙吝。
祇恐著有人，愚癡自不信。

中人樂寂靜，下士好威儀。
菩薩心無礙，同凡凡不知。
佛是無相體，何須有相持。
但令心了事，遮莫外人疑。
如人渴飲水，冷暖心自知。



識若不受塵，心亦不顛狂。
妙智作心師，名爲破有王。
須臾證六度，動用五種香。
此即真極樂，亦是真西方。
釋迦無量壽，同居此道場。

俗務不廢作，內秘貪心學。
世上假名聞，超然總莫著。
息念三界空，無求出五濁。
法報皆圓滿，意根成正覺。
若能如此修，輪王亦不博。



五蘊若實有，則合有色彩。
五蘊若實無，則合無形聲。
祇爲假名字，所以妄來停。
若了名相空，事盡總惺惺。
心王無障礙，擺撥三界行。

我是凡夫身，樂說真如理。
爲性不憚貪，常行平等施。
凡夫事有爲，佛智超生死。
作佛作凡夫，一切自由你。



靜觀物理



耳聞無相理，眼空不受色。
鼻嗅無相香，舌嘗無相食。
身著無相衣，意隨無相得。
心靜越諸天，神清見彌勒。
十方同一乘，無心記南北。

欲得真成佛，無心於萬物。
心如境亦如，真智從如出。
定慧等莊嚴，廣演波羅密。
流通十方界，諸有不能疾。
報汝學道人，祇麼便成佛。



佛

心

禪

話

讀經須解義，解義始修行。
若能依義學，即入涅槃城。
讀經不解義，多見不如盲。
緣文廣占地，心中不肯耕。
田田總是草，稻從何處生。



●有人道不得，是伊心王黑
不能自了事，埋藏一群賊
群賊多貪癡，緣事說是非
心王被賊使，劫劫無出期
見花不識樹，果熟始應知

●君家住聚落，余自居山谷
山空無有物，聚落百種有
有者喫飯食，無者空張口
口空肚亦空，還將空喫有
有盡物歸空，同體無前後



慧律法師

編撰



佛心禪話⑥

法律顧問 莊柏林律師
社名題字 李轂摩
發行所 派色文化出版社
地址 高雄市前鎮區武慶二路15號
電話 (07)7713704 FAX : (07)7713674
郵政劃撥 41441711 派色文化出版社
出版登記 局版台業字第4538號
印刷刷 春暉印刷廠有限公司
地址 高雄市武嶺街61巷17號
電話 (07)7613385
總經銷 旭昇圖書有限公司
地址 台北縣中和市景平路515巷27號
電話 (02)2451480 · 2451567 FAX : 2451479
電腦排版 民衆實業股份有限公司
出版日期 中華民國81年12月
定 價 130 元
版權所有、翻印必究
缺頁裝訂錯誤請寄回本社更換

派色文化